

名亦既有夫亦將知止知止所以不殆

道之無名而爲德則名亦既有矣故人之用此德者當知止於德不可再降而下也將猶晉人將無同之將辭之不迫者也老子以道爲上德言在德之上以仁爲下德言在德之下也又言失道而後德失德而後仁失仁而後義失義而後禮故專言道德而槌提仁義蓋以仁義下於德也此章言德而曰夫亦將知止其意若曰自無適有當知至於德而止不可再適也德之有名已下於道復下於德可乎知止於德則猶未遠於道也不殆不窮匱也謂可長久不做壞也蘇氏曰聖人豈徇名而忘樸逐末而喪本哉是以乘萬變而不殆也

道藏輯要

道德真經註

三

心集十
x 0 1

譬道之在天下猶川谷之與江海

上文言自無而有當止於德此又言自有而無當復於道蓋道之在天下猶江海爲眾流之所歸德者猶谿谷之眾流得而復歸於道則猶谿谷之會同於江海

右第二十七章

知人者智自知者明勝人者有力自勝者強

智能知人徇外之智爾能自知則內能盡性也故謂之明有力能勝人恃外之力爾能自勝則內能克己也故謂之強知足者富強行者有志

能盡性而又能達於命則無所歆羨而常有餘惟明者能之

能克己而又能勇於善則有所秉持而常無怠惟强者能之不失其所者久死而不亡者壽

惟明惟強則見真守固逮至渣滓消融功用純熟思為俱泯神化脗合佳世之時各隨所在而此心不失始終如一故謂之久厭世之後雖去其宅而此心常存古今不二故謂之壽

右第二十八章

或曰老子之道以昧為明以弱為強而此章言明言強何也曰老子內非不明外若

昧爾內非不強外示弱爾其昧其弱治外之藥其明其強治內之方並行而不相悖也

大道汎兮其可左右

汎廣也謂如水之汎濫洋溢道之廣無所不在或在或右隨處而有取之左右無所不可也

道藏輯要

道德真經註

三

心集

萬物恃之以生而不辭功成而不居

恃賴也生謂春生之始萬物賴道以生而道則無言前章云萬物作而不辭是也功成謂冬藏之時宰物之功既成而道不居其功也

衣被萬物而不為主常無欲可名於小矣

此申言萬物恃之以生而不辭春生之時道普徧萬物如以衣衣之以被被之所謂元亨播羣品元亨誠之通而道不自為之主常無欲謂其無心也此一本之散為萬殊迺道之分而至小者其可名之於小矣乎益不可也若其可名則非不辭不為主常無欲之道矣○衣去聲